

L'atra cosa ch'emmo fæto subito a l'é stæta quella de mette man a-o Statuto. Ormai a lezze in scê asociaçoin "senza scopo di lucro" a no ne consente ciù d'avei un statuto ch'o no sa ne de mi ne de ti. Se voemo avei i vantaggi che a lezze a ne peu dâ (penso a-o çinque pe mille, tanto pe dine unn-a), bezeugna cangiâ o statuto e metighe dreto e previxoin da lezze. Ben, l'emmo fæto e za into numero pasou o Parlamento ciamou a decide i cangiamenti o l'é stæto convocou o giorno neuve de mazzo a neuv'oe in Ciassa da Posta Vegia. O neuvo Statuto, quand'o saiâ aprovou, o ne consentiâ de mesciase con ciù façilitæ e de poei riçeive quarche agiutto economico da-i privæ e da-e Istituçioin.

I socci. Dimosou: un muggio de socci àn rinnovou senza ritardo a seu iscrizion e ben ben de personne se son fæte socce pe-a primma votta. E, fæmelo dî sotovoxe, ciù de un o s'é fæto socio vitaliçio faxendo 'na bella donaçion a-a Compagna. Tanto pe dâ 'na man a cresce tutti insemme. Chi òu sa: magari gh'é quarchedun che lezendo quello che son apreuvo a scrive ghe vegne a smangiaxon e o se fa socio vitaliçio lê ascì co-ina bella donaçion!

Ma a cosa che ghe tegno de ciù a favela savei a l'é che 'n pò de zoeni se son avixinæ a-a Compagna e faian 'na "seçion destacâ" (za prevista da-o

Statuto vigente) fæta da zoeni che se veuan inpegnâ pe tegnì vivo o spirito da Compagna!

Purtroppo però gh'é ancon quarcosa ch'a no gia comm'a dovieiva. A nostra rivista a no sciorte ancon a-e dæte giuste. Gh'emmo provou tutti. Se semmo dæti tutti da fâ e l'é pe mi in dovei ringraçiâ a vice prescidente Elena Pongiglione, o console Ezio Baglini e o consultô Paolo Giacomone Piana pò-u tempo ch'àn dedicou pe çercâ de fâ sciortì o primmo numero in tempo. Ma niente! Bezeugna ancon mette a posto quarche cöséta. Ma de seguio ghe-a faiemo!

L'atra cosa ch'a ne da ancon da fâ a l'é a Sede. L'é ormai ben ben di anni che ne parlemmo. O Gran Cançelê Maurizio Daccà e mi semmo za stæti in Comun, ma a question a l'é complicâ. Ben! Non fæme dî tutto inte 'na votta! Vedemose in Parlamento e poi a-o pranso sociale e a-a festa de San Zorzo.

In concluxon posso ben dî che son contento: veddo che tante personne se dan da fâ con neuvo entusiasmo pò-u ben da Compagna perché san ch'o l'é indispensabile l'agiutto de tutti. Ma sorviatutto san che se a Compagna a navega drita e spedia, a navega pò-u ben de Zena, pe tegnì vive a nostra stoia, a nostra lengoa e-e nostre tradiçioin.

Alegri!

FRANCO BAMPI



CI HA LASCIATO ITALO GARIBALDI

Il 24 febbraio u.s., a 86 anni, è mancato Italo Garibaldi, figura di spicco nella comunità ligure argentina. Nato nel 1923, due volte vedovo, senza figli, Garibaldi si era votato alla difesa delle tradizioni degli avi. Dopo essere stato sindaco di Né, Garibaldi era arrivato in Argentina il 3 novembre 1948, iniziando a lavorare nella ditta di rifornimento carbone dello zio, la "Pratolongo y Valle".

Animatore dei "Carboneros" liguri di Buenos Aires e della Confraternita dei Portacristi di Buenos Ayres, che tramandano anche l'antichissima tradizione delle casacce liguri, fondatore del "Clan de los Garibaldi in Argentina", la sua vita era donata alla comunità genovese e ligure. Il sodalizio "A Compagna" si unisce con profondo dolore al cordoglio dei familiari e degli amici.



Italo Garibaldi in una delle sue ultime immagini. Foto gentilmente concessa dall'Associazione "Liguri nel Mondo".

